



74  
6272  
16



7  
6272  
16

欽定禮部則例卷一百三十六

祠祭清吏司

時巡祀典 木蘭秋獮祀典附

一凡奉

旨巡幸某省禮部豫將

鑾輅所至及經過地方

嶽鎮海瀆奏請秩祀其餘名山大川暨

古帝王陵廟名臣先儒祠墓去

御道三十里以內者奏交該督撫查明並覈計去



去  
五味均平歲



欽定禮部則例

卷一百三十六

祠祭清吏司

一

御道若干里造冊送部定議奏請致祭

謹按乾隆二十七年

南巡遣祭大學士陳元龍陳世倌三十年南巡遣祭大學士史貽直四十五年

旨遣官致祭不在御道三十里之內○嘉慶

二十一年駕謁西陵回鑾奉旨故大學士朱珪墳塋在御道四里以內屆

賜奠

一隨

駕王公及各文武大臣行文吏兵二部及各該處將

扈從職名送部以便沿途秩祀開列奏請

欽派。

五嶽奉

旨親祭者應用樂章交樂部定擬不用舞

古帝王陵廟

親祭不用樂其應用禮器祭品等交太常寺豫備

一致祭先代名臣以配饗

歷代帝王廟者為定有忠義卓越者雖未配饗亦請

致祭謹按乾隆五十七年高宗純皇帝

明臣楊繼盛祠嘉慶十六年直隸容城縣

次定豐

五臺

祠祭清吏司

二

遣官致祭先儒以從祀

文廟者為定

本朝名臣以入祀賢良祠者為定

謹按乾隆二十年

巡遣祭大學士徐本二十七年

南巡遣

祭大學士陳元龍陳世倌均係未入祀賢良祠

奉特旨遣官致祭

一

聖駕經由江淮河瀆奏請

遣官致祭其拈香之處或

親詣或

遣官屆期奏請奉

旨親詣行各該地方官豫備綵棚香燭等項

一祭文翰林院撰擬

親祭用祝版及香帛均由太常寺豫備

遣官轉行該省繕備焚黃其祭品並交地方官備辦

一

親祭

古帝王陵廟

先聖祠廟應

御服色將上次行禮服色聲明并將或行衣或常服之處請

旨載入儀注

一

親詣

古帝王陵廟

先聖祠墓拈香定例行二跪六拜禮如上次或行三跪九拜禮於恭進儀注時夾片聲明。

一

親詣

古帝王陵寢拈香或兼奠酒者應用酒桌奠池臺蓋

等項行文光祿寺轉交茶膳房敬謹帶往豫備

屆期派員捧壺執爵侍衛遞酒杯大臣遞酒謹按

嘉慶十六年

皇上巡幸五臺奉

旨此

次鑾輅經由望都縣時仍照乾隆五十一年之

例親詣堯母陵閱視並於望都城北之堯帝廟親詣拈香

一

名山大川

古帝王陵廟及名臣先儒祠墓奏定

欽定禮部則例

卷三十一

祠祭清吏司

四

遣官致祭者屆期開列隨

駕三品以上大臣職名

欽派承祭官一員若地相近者或兩處或三處請令

一員兼祭其儀注太常寺移送過部行知該省

謹按嘉慶十三年

皇上巡幸淀津所有

海神廟一處照乾隆年間節次致

祭之例

遣官致祭

一儀注

親祭太常寺恭進

親詣拈香奠酒者禮部恭進

一

親祭隨

駕官員陪祀如在京例外省文官知府以上武官副

將以上俱陪祀不陪祀者於

行宮旁迎送

一

親祭禮部堂官二員前引如不敷用開列扈從大臣

奏

派其遣官致祭典儀贊引讀祝以本地禮生充執事

官以州縣佐貳充地方正印以下陪祀

一會經

派員致祭之名臣先儒等再值

時巡惟

遣官拈香奠酒不用祭文及牲帛等項。

儀注

皇帝巡幸親祭

嶽神祭以太宰登一。劍二。簠簋各二。籩豆各十。酒帛

具武備院豫於廟大門內設黃幄次。祭日太常

寺卿赴

行宮前奏時。

皇帝具龍袍衮服乘輿出行宮。入廟門降輿贊引官

對引官恭導

皇帝入黃幄次內少憩。

皇帝出幄次盥手畢。贊引官對引官恭導

皇帝入廟內門。由殿中門入。詣拜褥前立。典儀官贊

執事官各司其事。贊引官奏就位

皇帝陞拜褥上立。典儀官贊迎

神司香官捧香盒至香案前旁立贊樂官贊奏迎神樂樂作贊引官恭導

皇帝詣香案前立司香跪贊引官奏上香

皇帝立舉炷香安香靠內次三上瓣香畢贊引官奏復位恭導

皇帝復位立贊引官奏跪拜興

皇帝行二跪六拜禮興樂止典儀官贊奠帛爵行初獻禮司帛司爵捧帛爵就

神位前立贊樂官贊初獻樂樂作司帛跪獻帛於

案前正中三叩退司爵立獻爵於爵墊正中退

司祝官就祝案前跪三叩興捧祝文至案左跪

樂暫止贊引官奏跪

皇帝跪贊讀祝司祝讀祝畢捧祝版至

神位前跪安帛匣內三叩退樂作贊引官奏拜興

皇帝行三拜禮興樂止典儀官贊行亞獻禮司爵捧爵就

神位前左旁立贊樂官贊奏亞獻樂樂作司爵立獻爵於爵墊左退樂止典儀官贊行終獻禮司爵



捧爵就

神位前右旁立贊樂官贊奏終獻樂。樂作。司爵立獻爵於爵墊右。退。樂止。典儀官贊徹饌。贊樂官贊奏徹饌樂。樂作。徹畢。樂止。典儀官贊送。

神贊樂官贊奏送

神樂樂作。贊引官奏跪拜興。

皇帝行二跪六拜禮。興。樂止。典儀官贊捧祝帛饌送燎。司祝司帛至。

神位前跪。三叩捧祝版帛匣。司香跪捧香。司爵跪捧

饌並興。依次送往燎所。贊引官恭導。

皇帝轉立東旁。布拜。禱官徹拜禱。俟祝帛香過畢。仍布拜。禱贊引官恭導。

皇帝復位立贊。引官奏禮畢。暨對引官恭導。

皇帝出乘輿。還行宮。若

遣官祭無樂。是日贊引引承祭官至盥洗所盥洗畢。引至行禮處立。典儀贊執事官各司其事。贊引贊就位。承祭官陪祭官均就位立。典儀贊迎。

神司香官捧香盒。跪香鑪左。贊引引承祭官就鑪前。

立贊上香承祭官上炷香又三上辦香畢贊引  
贊復位承祭官復位立贊引贊跪叩興承祭官  
陪祭官行二跪六叩禮興典儀贊奠帛行初獻  
禮司帛跪獻畢三叩退司爵立獻爵於案上正  
中退司祝至祝案前一跪三叩捧祝文立贊引  
贊跪承祭官及陪祭官司祝俱跪贊讀祝司祝  
讀畢捧祝文跪安案上帛匣內三叩退贊引贊  
叩興承祭官行三叩禮興典儀贊行亞獻禮司  
爵立獻爵於案左退典儀贊行終獻禮司爵立  
獻爵於案右退典儀贊送

神贊引贊跪叩興承祭官陪祭官行二跪六叩禮興  
典儀贊捧祝帛饌送燎司祝司帛至案前行一  
跪三叩禮捧祝帛司香跪捧香司爵跪捧饌並  
興依次送至燎所承祭官轉立西旁俟祝帛饌  
過仍復拜位立贊引贊視燎引承祭官至燎所  
視燎畢贊引贊禮畢各退祭

鎮海瀆儀並同諸名山大川儀亦同惟牲用少牢籩  
豆各八簋簋各二

皇帝親詣拈香御常服

鎮海瀆御行服餘儀並同

乘輿至降

輿處降輿禮部堂官恭導

皇帝入至香案前立司香官恭捧香盒跪進。

皇帝三上瓣香布拜褥官布拜褥。

皇帝詣拜位不行二跪六拜禮畢禮部堂官恭導

皇帝至乘輿處乘輿還行宮。

皇帝親祭

古帝王陵寢如祭

嶽神儀惟不用樂易送瘞為送燎若

遣官祭儀與

遣官祭山川同。

皇帝親詣

古帝王陵寢拈香是日乘輿至

陵門前降輿禮部堂官恭導

皇帝由中門入至殿內詣香案前立司香官恭捧香

盒跪進。

皇帝三上瓣香布拜褥官布拜褥恭導

皇帝陞拜褥行二跪六拜禮畢禮部堂官恭導

欽定禮部則例

卷三十一

祠祭清吏司

十一

皇帝由原進門出乘輿還行宮。

謹按乾隆三十六年四十年。

巡詣

少昊氏陵俱行三跪九叩禮臨時請旨夾片聲明。○四十九年奉

上

諭禮部奏詣明太祖陵儀注三奠酒每奠行一叩禮等語前代陵寢於經過時親詣拈香自應

較本朝

陵寢儀節有別然朕加隆前代

禮數從優經過曲阜親詣少昊陵孔林皆行二

跪六叩禮嗣後遇親詣前代陵寢拈香俱照此

行禮不必奠酒著為令。○五十年奉

上

諭明太祖為一代開創之主是以朕南巡時躬

詣孝陵致祭用昭隆禮勝朝之意至昌平為永

樂以後諸帝陵寢非若江寧孝陵可比朕此次

親詣長陵奠輟其餘諸陵均遣隨從之王大臣

前往

致奠

皇帝親詣奠酒御行服乘輿進中門由饗殿東旁入

至陵前降輿所有扈從之王大臣侍衛等在大

門外下馬隨行禮之三品以上文武大臣官員

豫往大門外東旁排立俟

聖駕到時鴻臚寺官引三品以上大臣官員隨入至

二門內按翼排立內務府官豫設臺蓋於陵前

正中武備院官豫布拜褥前引大臣恭導

皇帝陞拜褥上跪眾皆隨跪遞酒杯大臣跪遞酒杯

皇帝三奠酒行三拜禮眾皆隨行禮禮畢鴻臚寺官

豫引大臣官員在大門外東旁排立前引大臣

恭導

皇帝至原降輿處陞輿還行宮謹按嘉慶九年三月初四日奉上諭

朕此次閱視明陵親往長陵奠醊其餘諸陵均遣隨從之王大臣等前往致奠著行在禮部查明儀注具奏並將遣從之王大臣等開列名單呈覽候朕點派遵旨奏准請照乾隆五十年

行三奠酒三拜禮其餘諸陵請派王大臣四員分往致奠○三月初七日軍機大臣傳奉諭旨行在禮部恭進奠醊明代長陵儀注

內開乘輿進中門至琉璃門內降輿著改為進被恩左門至琉璃左門降輿至隨從之三品以上文武大臣官員除有執事外俱不必隨往行禮遵旨另進儀注是日皇上御行乘輿進被恩左門至琉璃左門外降輿所有扈從之王大臣侍衛等均在大門外下馬內務府

官豫設臺蓋於石五供前武備院官豫布拜褥前引大臣恭導皇上陞拜褥上跪遞酒杯

大臣跪遞酒杯皇上三奠酒畢行三拜禮前引大臣恭導皇上至原降輿處陞輿還

行○如

遣官祭

周公正位前陳羊一豕一登一釗二簋簋各二籩

豆各八鑪一鐙一

魯公配位前陳設同設案一於中少西供祝文

司祝一人立於其南設案一於東陳禮神制帛

三香盤三尊三爵六帛勺具司香司帛司爵

各二人立於案後設洗於階下之東通贊二人  
立於門左贊引四人俟於廟大門內均以諸生  
充質明承祭官朝服詣廟贊引二人引正獻官  
二人引分獻官隨入詣東階下盥手升東階  
至階中正獻官在前分獻官在後均北面通贊  
贊就位贊引分引正獻官分獻官就拜位立通  
贊贊迎  
神司香二人各捧香盤進至正位配位前立贊引  
引正獻官入自闌東詣

周公位前引分獻官隨入詣

魯公位前贊跪承祭官跪贊上香承祭官上炷  
香三上辦香與贊復位承祭官均復位立贊跪  
叩興承祭官均行二跪六叩禮興初獻讀祝亞  
獻三獻視燎均以正獻分獻者同行禮餘如常  
儀

皇帝親詣

周公廟拈香行衣乘輿由櫺星門入至二門降輿  
禮部堂官恭導

皇帝由中階入至

殿內詣香案前立司香官捧香盒跪進。

皇帝三上瓣香布拜褥官布拜褥恭導

皇帝陞拜褥行一跪三拜禮與禮畢恭導

皇帝由原進門出陞輿

遣官祭名臣先儒祠墓祭用鹿脯兔醢果實五器酒

燭香帛具儀與

遣官祭山川同惟易送瘞爲送燎讀祝時。

遣官陪祭者讀祝者俱不跪。

一每歲恭逢

皇帝木蘭秋獮東哨門

敦仁鎮遠興安大嶺神廟西哨門

協義昭靈興安大嶺神廟均

遣官告祭由部劄行欽天監於進哨之前選擇吉期

開列隨扈王貝勒貝子公領侍衛內大臣內大

臣散秩大臣都統副都統前鋒統領護軍統領

等銜名奏請

欽派二員蟒袍補服分詣行禮祭品儀注均如告祭

嶽鎮之儀

謹按嘉慶十五年九月奉 上諭與安 靈應素著

大嶺於塞北諸山最為崇峻 皇考高宗純皇帝聖製集中向

屢見於 來進哨以後出哨以前必派親王帶領喇嘛兩

次前往致祭本年朕行爾木蘭晴雨應時聿昭

順佑應加隆望秩以協懷柔著交禮部查明從

前祀典內曾否載入如本有舊章即將儀文節

目詳錄具奏如未列入祀典著禮部詳議崇祀

即不能與五嶽並尊亦應做照四鎮之儀酌定

典禮並擬定神位封號致祭時增設神幄書寫

神牌供奉以昭虔敬奏定後載入則例永遠遵

行將此諭令知之欽此遵 旨議定與安大

嶺致祭典禮每歲春秋仲月應令地方官謹擇

吉期恭設神幄書寫神牌敬謹望祭以待各直

省春秋崇祀 四鎮之例至恭逢 皇上

木蘭秋彌之期秋祭毋庸令地方官行禮應由

臣部奏請 遣官致祭一次以符告祭

四鎮之例所有 神位封號由內閣撰擬進

呈恭請 欽定應用牲牢祭品等項交地方

官豫備祭器由工部製造交地方官存貯備用

其常祀及 遣官告祭各祭文交翰林院撰

擬頒行遵用○十六年九月奉 上諭朕從

前隨侍 皇考高宗純皇帝巡幸木蘭親

見每次必 遣員致祭與安大嶺上年朕

特降諭旨命禮部議增祀典禮定為春秋二次設

幄望祀本年朕詣木蘭派員致祭詢係承祭之

員於派出後擇區望祭並無專地朕意應建立

專祠俾 神有憑依庶歲奉明禋益昭虔敬東

哨門內 高宗純皇帝聖製詩碑亭及朕

御製文碑亭之北頭道河二道河適中之處擇

平坦地面建造祠宇一區供奉 神牌春秋二

祀即於此行禮朕每年進哨出哨俱親詣拈香

一次以申祈報之義若由西崖口進哨之年著

行在禮部奏請派員拈香○十八年七月軍機

處傳 旨祭與安大嶺著於八月初十日內

具奏行在開列滿洲銜名並添散秩大臣都統



副都統銜名。其漢員不必開列。○二十二年九月奉 上諭前於嘉慶十六年特降旨。在伊遜崖口內建立敦仁鎮遠山神廟。每歲舉行秋獮大典。進東哨門時。朕必親詣拈香。仰承靈佑。風日暄和。諸臻順吉。因思西哨門與東哨門間。歲經由崖內未曾建立神祠。無由升香展敬。著派慶溥常顯哈隆阿於布克崖口內數里。相度平坦地址。建立山神廟一區。其規制及春秋致祭禮儀。悉做照東崖口之式。一律辦理。於明歲竣工。朕臨幸木蘭再進西哨門時。躬親展禮。用備明 如奉 禮。

旨停止進哨之年。仍交地方官擇吉致祭。毋庸奏請

遣官

謹按嘉慶二十四年七月奏准。恭照 皇上木蘭秋獮例。應告祭 興安大嶺之神。前據欽天監擇於本月十六日致祭吉。經臣部奏派王大臣二員行禮。奉 硃筆圈出貝勒奕

綸護軍統領安福。欽此。欽遵。行知在案。今奉 旨改於二十日啟鑾。駐蹕避暑山莊。停止進

哨等因。欽此。查嘉慶十五年。臣部遵 旨議奏 興安大嶺之神。春秋致祭。恭逢 皇上

木蘭秋獮之期。其秋祭毋庸令地方官行禮。臣部奏請 遣官於進哨時告祭。今本年

皇上巡幸熱河。停止進哨。所有東哨門西哨門 興安大嶺之神。應請毋庸 遣官告祭。仍

照例交地方官於 仲秋擇吉致祭。其春秋常祭。由該都統分諏

吉日。遞往致祭。

欽定禮部則例卷一百三十七

祠祭清吏司

闕里祀典 四配專廟附

一 欽奉

特旨

皇帝親祭

闕里屆期於

至聖廟致祭仍謁

孔林

欽定禮部則例 卷一百三十七 祠祭清吏司 十一

親行奠酒其因事

遣官致祭者承祭官照告祭例行禮如

聖駕巡幸道經曲阜或

親詣致祭或

遣官致祭或

親詣拈香奠酒均候

旨遵辦

一奉

旨親詣曲阜致祭

先師豫將應行典禮及詣

孔林奠酒

遣官分祭

崇聖祠各事宜具奏得

旨知會衍聖公山東巡撫遵辦

一分獻官太常寺開列隨

駕三品以上大臣奏請

欽點八員行禮如人數不足並將四品以下京堂開

列請

旨同日祭

崇聖祠奏

派大學士一員行禮其

崇聖祠配位於隨

駕四品以下京堂及翰詹科道內開列奏

派。

一祝版太常寺豫備祝文翰林院撰擬

親祭儀注太常寺恭進拈香奠酒儀注禮部恭進

儀注

內 皇上行二跪六拜禮謹按每次拈香奠酒均行三跪九拜禮於恭進儀注時夾片聲吻

親祭日隨

駕官陪祭。如在京例外省文官自知府以上武官自

副將以上衍聖公及十三氏博士等均應陪祀

不陪祀官員於

行宮旁迎送禮部派員查收職名。

一祭日及

孔林奠酒日均以禮部堂官二員前引如隨

馬禮部堂官止一員於隨

駕之文職大臣內奏

派一員導引。

一詣

孔林奠酒時。大臣一員恭遞酒杯。開列隨

駕之領侍衛內大臣等職名恭候

欽派。

一奉

旨御詩禮堂講書。奏請於釋奠後舉行。照

臨雍辦理。事宜詳儀制司。

一

遣官

闕里致祭。開列文職三品以上官奏

派祭品香帛。地方官豫備。祝文翰林院撰擬。移交地

方官繕寫。禮部鈔錄。儀注。行知遵辦

一

聖駕時巡。經過曲阜

親詣

闕里致祭。辦理事宜。與前例同。如

欽定禮部則例

卷三十三

祠祭清吏司

四

遣官致祭開列隨

駕三品以上官奏

派如

聖駕仍詣

至聖林廟拈香奠酒屆期恭進儀注均與前例同

一直省

文廟以春秋丁祭惟衍聖公以四仲承祭又曲阜設

執事官四十員三品官二員四品官四員五品

官六員七品官八員八品九品官各十員以孔

氏子孫充之以供每年分獻及爵帛香祝之事

一致祭

崇聖祠分獻

四配及從祀先儒并顏子曾子子思子孟子專

祠致祭各奏

派大臣前往應辦事宜均與

遣官致祭

闕里同

儀注

皇帝躬詣

闕里致祭。豫期。衍聖公率博士潔蠲。

大成殿內外。先一日。與祭百官畢齋。

行在太常寺官具祝版送內閣。敬繕祝文於版。授

太常寺官豫奉陳於廟內。

遣官視牲。視割牲儀與祭。

帝王陵寢同。工部司官張大次於奎文閣前。太常寺

率屬入廟陳樂懸於殿階下。陳文德之舞六佾。

於樂懸之次。守土官詣

大成殿

崇聖祠暨前後兩廡。供具陳設器數與太學釋奠

同。謹按乾隆三十六年奉旨。頒內府所藏周朝銅器十事。備列闕里廟堂。屆

日昧爽。守土大吏率屬治道清蹕。領待衛內大

臣及內大臣勒所部翊衛官護軍統領崇人府

王公勒所部後管官均蟒袍補服於

行宮門外祗候。太常寺卿赴

行宮告時。

皇帝具龍袍袞服乘輿出行宮。

騎駕鹵簿前導不陪祀扈從官及不陪祭之守土官  
蟒袍補服序立

行宮前跪迎跪送鴻臚寺官引陪祭王公序立於  
奎文閣前文臣由東金聲門入武臣由西玉振  
門入序立於廟廷左右。

駕至奎文閣前降輿

謹按乾隆四十一年上香日及  
祭祀日  
高宗純皇帝俱

進毓粹門由金聲門  
至杏壇東邊降輿

贊引對引官恭導

皇帝詣

大成殿正中拜位王公由東西階升位杏壇上分

獻官暨百官位杏壇下均東西分列北面序立

乃行釋奠禮與太學釋奠同惟樂章即用

闕里四仲致祭之樂迎

神昭平初獻宣平亞獻秩平終獻敘平徹饌懿平送

神德平

崇聖祠

遣官致祭與國子監禮同

親詣

至聖廟拈香屆時

次定禮部儀例

卷三十七

祠祭清吏司

七



皇帝具龍袍衮服。或行衣乘輿儀仗前導。至聖廟。由櫺星門入大中門。至奎文閣前降輿。禮部堂官恭導。

皇帝至黃幄次少憩。出盥手畢恭導。

皇帝入

大成門。由中階陞。

大成殿內詣香案前立。司香官捧香盒跪進。

皇帝三上瓣香。司拜褥官展拜褥。

皇帝陞拜位。行二跪六拜禮。禮畢恭導。

皇帝由

大成門出奎文閣前乘輿。如

遣官致祭

先師孔子。

若實五器尊爵香帛同。

遣官祭用脯醢果。特遣官告祭用

太牢。登劍尊爵香帛具。

祭日。地方官陳設畢。贊引官引承

祭官盥洗畢。引至行禮處立。典儀贊執事官各

司其事。贊引官引陪祭官就位立。典儀贊迎

神。典樂贊奏昭平之章。司香官捧香盒跪香鑪左贊

引官引承祭官就鑪前立。贊上香。承祭官上炷

香鑪內又三上辦香。畢贊引官贊復位承祭官復位立贊引官贊跪叩興承祭官陪祀官行三跪九叩禮。興與儀贊奠帛。行初獻禮。典樂贊奏宣平之章。捧帛官跪獻畢。三叩退。執爵官立獻爵於案上正中。退讀祝官至祝案前。一跪三叩。捧起祝文立贊引官贊跪。承祭官及陪祀官讀祝官俱跪樂止。贊讀祝官讀畢。捧祝文跪安案上帛匣內。三叩退。贊引官贊叩興承祭官行三叩禮。興與儀贊行亞獻禮。典樂贊奏秩平之章。執爵官獻爵如初獻儀獻於案左。退典儀贊行終獻禮。典樂贊奏敘平之章。執爵官獻爵如亞獻儀獻於案右。退典儀贊徹饌典樂贊奏懿平之章。典儀贊送

神典樂贊奏德平之章。贊引官贊跪叩興承祭官陪祀官行三跪九叩禮。興與儀贊捧祝帛恭詣燎位。捧祝帛官至案前行一跪三叩禮。捧起祝帛。司香官跪捧不叩。依次送至燎鑪。承祭官轉立西旁。候祝帛過。仍復拜位立。贊引官贊詣燎位。

承祭官至燎所祝帛焚半贊引官贊禮畢退○  
如恭遇

親詣

孔林酌酒屆時

皇帝御行衣乘輿詣

孔林隨行禮之王公大臣官員豫往

聖林門外下馬至饗堂外東旁排立候

駕光祿寺堂官豫設酒桌奠池於月臺正中武備院  
堂官豫設拜褥

皇帝至饗堂前降輿禮部堂官前導由中門入鴻臚  
寺官引王公以下三品以上文武大臣官員隨  
入在饗堂外兩旁排立

皇帝陞月臺詣拜褥跪衆皆隨跪遞酒杯大臣跪遞  
酒杯

皇帝酌酒三爵每奠酒行一拜禮衆皆隨行禮禮畢  
鴻臚寺官卽引王公大臣官員仍在東旁排立  
禮部堂官前導

皇帝由原進門出乘輿○如

躬詣孟廟拈香屆時

皇帝御行衣由廟中門入至二門降輿禮部堂官恭

導

皇帝由中階入殿內詣香案前立司香官恭捧香盒

跪進

皇帝三上瓣香布拜褥官布拜褥恭導

皇帝陞拜位行一跪三拜禮興禮畢恭導

皇帝由原進門出乘輿

欽定禮部則例卷一百三十八

祠祭清吏司

耕藉

一凡

耕藉每歲春三月吉亥日祭

先農壇行

耕藉禮禮部於前一年十一月將

耕藉日期及一切應辦事宜具題得

旨行知戶部工部樂部太常寺翰林院內務府順天

府等衙門遵照辦理。並通行直省督撫將軍府尹。轉飭所屬一體遵行。

一凡舉行

耕藉禮先祭

先農壇

皇帝或親詣致祭。及

遣官致祭之處。太常寺於前一月題請得

旨知會到部。如

皇帝親祭

先農壇禮成即行

耕藉禮。以親王郡王三人。六部都察院 政使司大

理寺堂官九員從耕。順天府傳

躬耕。絲鞭耒耜飾以黃。服耜黃犢。稻種青箱。傳從耕

三。王麥穀種。九。卿豆黍種。箱鞭及耒耜。均朱飾

服。耜黝牛。皆依期畢。辦擇吉。內務府奏請

皇帝於豐澤園先行演耕。

耕藉前一日

皇帝陞殿

次三禮部司

祠祭清吏司

二

閱視祝版次

閱耕器五穀種至日

親饗

先農行耕藉禮從耕各官均隨行從耕禮成耆老農

夫各

賞賚布疋祝版黃案由太常寺陳設器具穀種等項

由戶部以次陳設屆秋成將

帝藉收成玉粒交太常寺收貯

神倉以供

郊廟祭盛

一從耕三王咨呈宗人府開送從耕九卿咨各

部都察院通政使司大理寺衙門將堂官職名

開送進耒耜堂官行戶部開送禮部奏請

欽派

謹按嘉慶十四年奉

上諭朕於三月初三

日祀

先農壇禮畢舉行耕藉禮成啟鑾恭

謁觀耕之大員均應送駕並有派出扈蹕者若侯

侍班行禮完竣趕赴前途未免稍形迫促因思

禮以親耕為重朕恪恭祀事躬舉四推聿申誠

敬其隨從襄禮者正不妨畧從權宜此次從耕

之三王九卿著不必開單請派其應行進犁進

次三禮部刊列

卷一百一

祠祭清吏司

三

鞭播種及執事各員著於在京未派隨扈人員內照例請派派出之員即毋庸趕往送駕此外陪祀之王公大臣等於朕親祭後先往送駕扈蹕者即應扈行除御前乾清門侍從諸臣外俱不必在壇所伺候

一看守從耕紅牌官十二員行文太常寺鴻臚

寺移取麾紅旗官於禮部滿洲司員內出派候

時官劄欽天監出派

一

耕藉儀注會樂部具奏抄錄儀注通行在京各衙門

一從耕三王九卿暨各執事行文各該衙門均

於

耕藉前一日赴耕所演習

一

豐澤園演耕內務府具奏移咨到部轉行順天府

先往

豐澤園豫備至日禮部堂官同奉宸苑卿順天府

堂官各補服分班祇候

一

耕藉日從耕各官具蟒袍補服於

先農壇西門外祇候先期行知各該衙門謹按嘉慶十九年經

太常寺堂官與查壇王大臣議定改於

先農壇東門外更換蟒袍補服。二十一年

准太常寺咨稱此次祭先農壇奉

由太歲門進北天門其先農門並不

開放所有隨駕從耕之王公文武大臣俱

在太歲門外下馬步次俟皇上祭祀畢

詣具服殿更衣時所有隨駕從耕王公

文武大臣俱在內壇祭器庫東北角門外

更換蟒袍所帶筆帖式并跟隨人等

即在門外伺候不得擅入以昭慎重

一 耕藉正副牛隻禮成奏交內務府牧養

旨下。行內務府順天府。

賞給耆老農夫布各四疋禮部題請劄行順天府頒

給

一 藉田立夏後禾苗盛長劄順天府派撥人夫

不時灌溉。

一 玉粒告成順天府將

帝藉收成數目開列具題

旨下。禮部劄欽天監選擇吉期題請收貯

神倉得



旨行文順天府太常寺遵辦。

儀注

耕藉前期一日。

中和殿內太常寺官恭設祝版黃案。戶部官陳設耕藉器具穀種。太常寺堂官奏請

皇帝陞中和殿

閱祝版。行禮畢太常寺官恭捧祝版黃案出

皇帝次

閱耕藉器具穀種畢。舊例 閱祝版後暫 御保和殿俟戶部官陳設耕藉具

穀種畢仍

年奉

旨閱祝版畢毋庸御保和殿即

行徧

皇帝還宮戶部官捧器具穀種依次出各安奉綵亭

內樂部和聲署作樂前導送至耕藉所順天府

豫設三王九卿從耕紅牌並陳設農器於

觀耕臺左右至日五鼓內務府兼和聲署司官帶

領署官署史在

慶成宮外豫候致祭

先農壇禮成前引十大臣贊引官對引官恭引

欽定禮部則列

卷百五

祠祭清吏司

六

皇帝至具服殿更龍袍衣服少憩。從耕三王九卿及不從耕王以下各官俱更蟒袍補服。

皇帝耕藉犁鞭青箱綵亭三座。及三王九卿青箱綵亭四座。陳設耕所左右。兼和聲署內務府司官帶領署官署史咸集耕所之南。歌禾詞者十四名。司鑼司鼓司版司笛司笙司簫者各六名。麾五色綵旗者五十名。俱於耕所排立。順天府耆老十九名。上農夫中農夫下農夫衣蓑戴笠執杈杈揪帚者共六十名。俱兩旁排立。豫候。謹按嘉慶

十九年順天府奏准。本年三月初八日。皇上親行耕藉禮。查舊例用有頂戴耆老三十五名。今擬裁去十六名。仍留十九名。以資熟手。至農夫一項係民人充當。向用四十八名。今酌增十二名。共六十名。盡用內務府蘇拉。將民夫概行裁撤。至吉時。禮部太常寺堂官奏請。

皇帝詣耕藉位。禮部司官舉旗三麾。各執事齊赴耕所。從耕三王九卿各就耕位。不從耕王以下各官俱在耕所按翼排立。前引十大臣禮部太常寺堂官恭引。

皇帝詣耕藉位。南向立鴻臚寺官贊進犁。戶部堂官

北向跪進犁

皇帝右手受犁。贊進鞭。順天府府尹北向跪進鞭。

皇帝左手取鞭。耆老二人牽牛。上農夫二人扶犁禮。

部太常寺鑾儀衛堂官恭引。

皇帝行耕藉禮。是時綵旗招颺。禾詞發歌唱和。隨行

諸樂具奏。順天府官執青箱。戶部堂官隨後播種。

皇帝三推三返禮成。

謹按乾隆二十年奉 旨 年均於進儀注 朕四推四返等因。欽此。本部歷時用夾片聲明。鴻臚寺官贊接犁。戶部堂官跪

接犁。贊接鞭。順天府府尹跪接鞭及青箱。各置

綵亭內。樂止。禮部堂官奏請。

御觀耕臺。禮部太常寺堂官。由中階恭引。

皇帝御觀耕臺。南向坐。不從耕。王以下各官分翼序

立。鴻臚寺官引順天府府尹率闔屬官。並耆老

農夫。服本等服色。各持農器。至

觀耕臺前。西旁北向排立。鴻臚寺官贊行三跪九

叩頭禮畢。

謹按嘉慶十六年奉 上諭向來 耕藉典禮於親耕後。陞觀耕臺闕視 從耕之三王九卿以次俱畢。然後順天府府尹 等率父老者。民謝恩。維時父老等散布藉田。招

集需時。行禮匆遽。未足以肅觀瞻。嗣後著該府尹等。豫飭父老耆民。整齊排列。於親耕後。陞階耕臺時。卽率領至臺下。先行謝恩。朕從耕之。俟謝恩禮畢。再閱從耕。用昭整肅。

王各五推五返。各用耆老一人牽牛。農夫二人

扶犁。順天府廳官隨後播種。耕畢。三王退就本

班。立次九卿於三王一推一返後。卽行從耕。俱

九推九返。

謹按乾隆九年行耕藉禮奉旨三王一推一返後九卿卽行從耕

各用耆老一人牽牛。農夫二人扶犁。順天府廳

官及大興宛平兩縣各官。隨後播種。耕畢。順天

府廳官將青箱仍置原設綵亭內。順天府大興

宛平兩縣官率耆老農夫。仍至耕藉所終畝。九

卿退就本班。立禮部堂官奏耕藉禮成。

皇帝由東階下乘禮輿出

壇。

法駕鹵簿前導。導迎樂作。奏祐平之章。

謹按嘉慶二十三年十二

月禮部尚書穆克登額面奉

諭旨明年三

月初七日。

耕藉禮成後朕詣具服殿更衣

壇時其法駕

卽啟鑾恭謁

東陵出

○二十四

鹵簿導迎樂章俱著撤去。毋庸豫備。

年

親耕禮成。

皇上詣具服殿更衣乘

輿出

壇鴻臚寺官引順天府府尹率闔屬

官並耆老農夫服本等服色各持農器至

耕臺前西旁北向排立鴻臚寺官贊行三跪九

叩頭禮畢。從耕之。三王九卿仍照例耕藉。順天府官率耆老農夫終畝。王貝勒貝

子公等隨行。各官俱退。不齋戒。王以下文武各

官於

午門外排班跪迎。

皇帝進午門樂止。

午門鳴鐘。諸王以下公以上隨至

午門內候

皇帝還宮各退

謹按乾隆五十年奉

先農壇行耕藉

禮部俱先期將祭祀日期及藉田一應事宜豫行具題。雖屬照例辦理。但國家典禮。以實不

以夾朕臨御以來。兢兢以敬

天勤民為

念

郊壇大祀。無不躬親。即藉田親耕。亦

從未嘗稍憚煩勞。雖本年壽已七十有五。猶親

舉三推之典。惟是春秋已高。或恐步履稍遜。若

二三年後。自揣精力如常。偶一舉行。豈非熙朝

盛事。至本年甫經親行耕藉。明歲應否躬蒞。自

應候朕酌行。乃禮部仍照例具題。竟視每歲俱

親詣行禮者然。豈不轉為具文耶。我國家受

命延洪。純嘏敷錫。世世子孫。若能皆似朕

之敬勤不倦。自必景祚綿長。享國久遠。朕所用

古稀天子之寶。特於乾清宮存貯一分。若我子

孫內有享永祚而登上壽者。亦得鈐用此寶。洵

為社稷靈長之福。嗣後我子孫繼承奕禩。惟當

不懈益勤。凡遇親耕典禮。若年在六十以內。禮

部自應照例具題。年年躬行耕藉之禮。若年踰

呈。五十四年奉。上諭。明歲已屆八旬。

嗣後凡遇中祀耕藉著禮部即於本內奏請遣

官行禮。其應否親詣之處不必聲明請旨。嘉

慶二十五年三月初七日祭先農壇行

耕藉禮。本部恭錄乾隆五十年

上諭奏。聞請。旨奉。旨遣官。如

耕藉之期逢時巡省方盛典。

遣官祭

先農壇俟禮畢。順天府府尹率屬至

帝藉所。九推九返。農夫終畝畢。望

闕行三跪九叩頭禮。儀與直省督撫耕藉同。

一直省耕藉。總督或巡撫率。在城文官舉行。是

日。首縣知縣。視土宜。備穀種。青箱朱鞭耒服耜

黝牛。及他農器。耕器。豫陳耕所。耆老率農夫披

蓑戴笠。俟於田間。通贊學弟子員。分立田首。又

向。

闕張畫屏。設香案。南向。通贊立香案之南。引班

教諭訓導。立通贊之南。皆東西面。督撫以下與

祭官皆朝服。致祭

先農禮畢。各官易蟒袍補服。詣藉田。通贊贊行耕藉

禮督撫以下就耕所執事者授耒耜與鞭皆右秉耒左執鞭進耕督撫以府佐貳官一員執種箱一員播種布政使按察使以首領官執箱播種各道以州縣佐貳官執箱播種知府知縣以丞史執箱播種皆耆老一人牽牛農夫二人扶犁各九推九返畢釋鞭耒以次序立田首西面北上農夫遂終畝告畢事各官望

闕立通贊贊齊班引班分引督撫以下至香案前按班序立重行北面耆老農夫少遠列行北面隨立耆老與行三跪九叩頭禮與各退若府不附省州縣衛不附府者正印官率佐貳丞史耕藉各以耆老二人執箱播種餘與省會同。

欽定禮部則例卷一百二十九



祠祭清吏司

躬桑

一凡

躬桑禮於祭

先蠶次日舉行如蠶未生則另期以

妃

嬪二人公主福晉三人命婦四人從採掌儀司治

桑畦飾採桑筐鉤

欽定禮部則例

卷一百二十九

祠祭清吏司

一



皇后金鈎

妃

嬪銀鈎均黃筐公主福晉鍍銀鈎命婦火漆鈎均

紅筐各依期舉辦前一日

皇后詣交泰殿

閱筐鈎至日行

躬桑禮

妃

嬪公主福晉命婦從採蠶婦居織室飼蠶候其眠

起繭成

皇后詣壇

親臨織室繅絲三盃染人朱綠元黃之以供

郊

廟黼黻之用

一

躬桑禮禮部於具題祭

先蠶時奉

旨

欽定禮部儀制

卷一百一十五

祠祭清史司

皇后親詣行禮乃將

躬桑禮儀具題并聲明蠶已生即於祭祀次日

躬桑或蠶未生內務府具奏另期行

躬桑禮得

旨交內務府遵辦并通行在京各該衙門

一從採

妃

嬪二人由宮殿監督領侍奏請

欽派公主福晉三人命婦四人由內務府移取禮部

轉行宗人府理藩院八旗將無事故公主親王

福晉以下縣君輔國公夫人以上并支職三品

武職二品官以上命婦全行造冊自送內務府

由內務府列名奏請

欽派派出後知照到部禮部行知各衙門各該旗遵

照

謹按嘉慶十六年奉

上諭內務府奏開

列恭從採桑福晉命婦清單奏請欽點一摺

每年 皇后親蠶以福晉命婦七人隨從採桑

係屬大典乃近年來開列單內除近支福晉外

大率係 皇后嫺親慈欲藉此請安所以年年

開送其餘多托故不與此次開列單內僅止九

人其中大臣命婦則止有二人自係各該大臣

等不令其妻恭豫典禮是以托故不行開送似

此積漸因循必致開列人數不敷點派成何事體此大姑就單內圈出七人以備典禮嗣後各該大臣命婦除實係有故照例聲明免其開送外餘俱著一併開列如仍前托故規避致人數短少著內務府查明無故不到者將該命婦之夫參處

一蠶未生另期行

躬桑禮前期

皇后散齋一日不進銅人從採

妃

嬪公主福晉命婦九人一體齋戒一日

一執事女官四十六人由內務府奏

派並令演習禮儀

一

躬桑儀法內務府會同禮部具奏後禮部轉行各該

衙門遵辦

一繭成日蠶官令報明內務府擇吉具奏

皇后詣壇行獻繭繅絲禮均由內務府承辦

一採桑及獻繭日公主福晉命婦等及執事女

官車輛是日應入

宮苑行文步軍統領衙門不必攔阻

一蠶事告成稱絲效功內務府具題

旨下禮部仍知照內務府

儀注

躬桑前一日內務府官蟒袍補服於內務府衙門陳

設

皇后採桑筐鈎於堂上

妃

嬪公主福晉命婦採桑筐鈎以次陳設內務府堂

官恭闕畢掌儀司官奉安綵亭內掌儀司官前

導內務府堂官後隨校尉昇亭進

隆宗門至

內右門外內監昇亭掌儀司首領前導官殿監督

領侍後隨至

交泰殿官殿監督領侍陳設

皇后採桑筐鈎於殿內

妃

嬪公主福晉採桑筐鈎於廊下命婦採桑筐鈎於

庭下俱筐左鈎右陳設畢官殿監督領侍恭請

皇后閱視筐鉤。

皇后具龍袍。

妃

嬪隨後侍立。

皇后先閱鉤後閱筐畢還宮。宮殿監督領侍仍奉置

綵亭內內監昇亭至。

內右門授蠶宮令蠶宮令受之校尉昇亭掌儀司

官前引蠶宮令後隨至內務府衙門導迎樂前

導迎至壇內奉宸苑堂官迎於壇門至壇前以

次陳設奉宸苑堂官恭閱畢交蠶宮令敬謹收

貯。屆日質明。公主福晉命婦以下。並執事各女

官。俱蟒袍補服入壇伺候。

皇后儀仗設於

順貞門外。屆時內務府會同禮部堂官轉傳宮殿

監督領侍奏請

皇后詣壇。

皇后具龍袍乘輿出

順貞門。

神武門進北上門由西柵欄入陟山門。

妃

嬪乘輿隨從贊引對引女官二人前引女官十人  
後隨女官二人俱先於

皇后降輿處恭候

皇后至壇壝東門降輿恭導

皇后至具服殿少憩

妃

嬪亦下輿隨入別室少憩傳贊女官分引

妃

嬪以下命婦以上俱就採桑位東西分列視桑之  
行列為尊卑以北為上凡經陪祀之福晉命婦  
不從採桑者俱於壇下空處按翼排立典儀女

官奏請

皇后採桑贊引對引前引女官恭引

皇后至採桑處立相儀女官一人捧金鈎跪於右旁

皇后右手受鈎相儀女官一人捧筐跪於左旁

皇后左手受筐採桑歌作

皇后先至東邊第一株桑前。向東採桑一條。蠶母二人助採。復向西行。至西邊第一株桑前。仍東向採桑二條。蠶母二人助採採畢。

皇后行至受鈎筐處。相儀女官二人仍左右跪。先授鈎。後授筐。典儀奏請

皇后陞觀桑臺

寶座。

皇后陞座。

妃

嬪於第二株桑前。公主福晉於第三株桑前。各採桑五條。大臣命婦於第四株桑前。各採桑九條。各蠶婦二人授筐鈎。接筐鈎。及助採畢。傳贊女官引退。

妃

嬪侍立於臺上

皇后左右。公主福晉命婦各歸班次。立。諸執鈎筐者俱退。相儀典儀等女官彙收諸傳贊女官。引蠶母蠶婦至。

皇后前跪。典儀等女官次第舉篋授蠶母。蠶婦蠶母  
恭受。

皇后筐與蠶婦捧各篋隨蠶母與至蠶室取桑切之。  
蠶婦灑消採桑歌止。蠶母以禮成告典儀女官。  
典儀女官跪奏禮成。贊引對引前引女官恭導。

皇后還具服殿。典儀女官奏  
陞座。

皇后陞座。傳贊女官分引。

妃

嬪以下命婦以上及蠶母蠶婦各就本班次序立。  
傳贊女官唱肅跪拜興。行六肅三跪三拜禮。與  
典儀女官奏請

還宮。

皇后出殿。贊引對引前引女官恭導。

皇后至陞輿處乘輿還宮。

皇后不親蠶之年。

遣妃祭。

先蠶壇翼日。蠶宮令監視蠶母及蠶婦行採桑禮。



欽定禮部則例卷一百四十

祠祭清吏司

頒朔

一每歲欽天監豫推來歲時憲書成式於二月

朔恭

呈

御覽後刊印成書。至九月具題。屆十月朔恭進。是日頒給王公百官祇受如禮。

一進朔暨

欽定禮部則例

卷一百四十九

祠祭清吏司

一

頒朔均由欽天監具題。

旨下。禮部劄行該衙門。

一恭進

皇帝前。清漢字時憲書各一本。繕寫清漢字時憲書

各一本。蒙古字時憲書一本。清漢字七政書各

一本。由欽天監恭進

謹按乾隆六十年十月奉  
上諭。本日皇太子

率同王大臣等具奏。恭進乾隆六十一年時憲

書。豫備內庭頒賞之用。一摺覽奏具見。惴忱朕

登極初元。卽籲懇

昊慈臨御至六十年

不敢上同

皇祖以次增載之數。因定例

孟冬頒發來年時憲書。特明頒諭旨。建立皇太子。以明歲丙辰為嘉慶元年。舉行歸政典禮。此

實朕祗迓。

天庥敬繩

祖武之念

數十年如一日。屢經降旨。明白宣示。茲皇太子

及王大臣等。以朕歸政。改元為曠古未有之盛

典。雖現在頒朔。以嘉慶紀年。而宮庭之內。若亦

一體循用新朔。於心實有所未安。特進獻乾隆

六十一年時憲書。臚詞籲懇。出於至誠。朕已俯

從所請。用舊頒賞內庭。皇子皇孫及曾元輩。並

親近王大臣等。俾得遂其愛戴之忱。其分頒各

直省外藩。仍用嘉慶元

年時憲書。以符定制。

皇太后前。清漢字時憲書各一本。蒙古字時憲書一本

清漢字七政書各一本

皇后前。清漢字時憲書各一本。蒙古字時憲書一本

清漢字七政書各一本。均由欽天監恭進

皇貴妃

貴妃

妃

嬪前俱清漢字時憲書二本。先期欽天監咨呈到

部由儀制司開列位數過監屆期恭進各宮。

一親王郡王貝勒貝子公各給清漢字時憲書

二本。公主清漢字時憲書二本均於本日頒給

一各衙門滿洲官員各給清字時憲書一本。蒙

古官各給蒙古字時憲書一本。漢軍官及漢官

各給漢字時憲書一本。滿洲蒙古漢軍俱給該

佐領轉給漢官。頒與該衙門轉給。

一朝鮮國王給紅綾面漢字時憲書一本。民書

一百本。每歲九月使臣到京恭領派監督或司

官一員於頒朔日帶領於

午門祇候俟王公百官領時憲書行禮畢引使臣

至班末祇領仍移咨該國王

一越南國王時憲書照朝鮮國請領數日將時

憲書發交廣西巡撫委員齎至鎮南關轉交祇

領 謹按嘉慶八年六月奉 上諭農耐國長

阮福映表陳請錫新封。陳明該國係先有越

裳之地。今併有安南。不願忘其世守。籲懇仍以

南越名國。經疆吏據情入告。部臣議駁。以南越

命名。與徼外封域未協。特念其攸關內附。敬抒

惻忱。命用越南二字。以越字冠於上。仍其先世

疆域。以南字列於下。表其新錫藩封。應即加之

寵命。封為越南國王。并著欽天監衙門於頒行

時憲書內。將安南二字。改為越南。永遵正朔。

嘉慶十四年奉 旨。禮部奏請將新定時憲

書。如何發交琉球國祇領之處。勅下福建巡撫

詳議章程。一摺。琉球久列藩封。極為恭順。惟因

地懸海外。不能尅期往來。是以歷來時憲書。均

未經頒發。今必責令每年專遣使臣。遠涉重洋

前來。祇領。非所以示體恤。若將時憲書存貯福

建。巡撫遇便發交。則節候已過。頒發徒為具文。

轉非覈實之道。所有琉球應頒之時憲書。竟無

庸頒給。祇將該國星度節候。詳細推準。增入時

憲書內。以垂久遠。

該部即遵諭行。

陵寢官員欽天監移取總數禮部轉咨

東陵

泰陵各承辦事務衙門造具清冊送部。頒行欽天監照

數給發。

一 圍場處官員各派員齎咨赴部。行文欽天監

給發。頒發蒙古等處。並各

一 頒朔前期禮部行宗人府轉傳王公吏部傳

欽定四庫全書 禮部清吏司

文職兵部傳武職屆日黎明朝服成集

午門行禮。

一頒朔日派司官二員同糾儀御史二員於

午門前監禮。

一百官咸集之處派筆帖式二員收取職名。

儀注

屆期鴻臚寺欽天監官設黃案一於

午門外正中設紅案二於

午門外兩旁欽天監堂中設香亭一龍亭一左右

綵亭八樂部和聲署陳樂於香亭前黎明監正

率所屬官朝服捧恭進

皇帝

皇太后

皇后

皇貴妃

貴妃

妃

嬪時憲書於龍亭捧頌給王以下各官時憲書於

綵亭各行一跪三叩禮畢。鑾儀衛校尉以次昇行。香亭在前。龍亭在中。綵亭在後。儀仗及鼓吹前導。和聲署導迎樂作。奏禧平之章。由

長安左門入至

午門外。亭止。欽天監官捧恭進

皇帝

皇太后

皇后

皇貴妃

貴妃

妃

嬪時憲書於所設正中黃案上。捧頒給王以下各

官時憲書於所設兩旁紅案上。陳設畢。欽天監

官二員。舉黃案由

午門中門入。二人前引。監正監副從至

太和殿。陳於左右階上。監正等於丹墀左。行三跪

九叩禮畢。內務府掌儀司官捧時憲書至

乾清門。

慈寧門授內監恭進

皇帝

皇太后

皇后其

皇貴妃

貴妃

妃

嬪時憲書交各宮內監禮成欽天監官徹黃案出

是日黎明諸王貝勒貝子公以下文武百官咸

朝服集

午門外東西闕下禮部司官帶領朝鮮國陪臣祇

候鴻臚寺鳴贊二員進立於甬道左右糾儀御

史二員禮部司官二員進立於鳴贊之北皆東

西面宣制鴻臚寺官一員立糾儀官之北西面

鳴贊贊齊班鴻臚寺引親王郡王貝勒貝子公

按翼立於甬道內引文武百官序立於甬道左

右皆北面東班西上西班東上贊進皆進贊跪

皆跪贊宣制宣制官宣

制曰。某年時憲書頒給衆官。曉諭天下。宣畢贊叩興  
 衆行三跪九叩禮。興退禮畢。乃將所設紅案上  
 時憲書頒給王公及文武各官。親王郡王貝勒  
 貝子公各依次跪領。八旗及部院府寺監衛各  
 官皆以次跪領。各退鴻臚寺官引朝鮮國陪臣  
 至班末贊進。陪臣詣甬道旁立贊跪叩興三跪  
 九叩禮畢。奉時憲書授陪臣。陪臣祇受如禮。謹按

嘉慶十六年奉 上諭。前據管理欽天監事  
 務定親王綿恩等奏。查得嘉慶十八年癸酉時  
 憲書係閏八月。是年冬至在十月內。為向來所  
 未有。因復查得十九年三月亦無中氣。可以置

閏應否。改為十九年閏二月等語。朕思置閏自  
 有一定。非可輕言更易。恐該監推步之處。或有  
 舛錯。因降旨交綿恩等再行詳細通查。茲據奏  
 稱。溯查康熙十九年五十七年。俱閏八月。是年  
 冬至仍在十一月。與 郊祀節氣均相符。  
 合今嘉慶十八年閏八月。冬至在十月內。則  
 南郊大祀不在仲冬之月。而次年上丁上  
 戊。又皆在正月。不在仲春之月。且驚蟄春分。皆  
 在正月。亦覺較早。若改為十九年閏二月。則與  
 一切祭祀節氣均屬相符。復將以後推算。至二  
 百年。其每年節氣以及置閏之月。俱於時憲無  
 訛等語。定時成歲。所以順天行而釐庶績。  
 南郊大祀。應在仲冬之月。上丁上戊。應在仲  
 春之月。此外一切時令節氣。皆有常則。今據該  
 監上攷下推。直至二百年之遠。必須改於嘉慶  
 十九年二月。置閏始能前後脗合。實為詳慎。無  
 訛自應照 此更正。



欽定禮部則例卷一百四十一

祠祭清吏司

日月食救護

一凡日月食救護欽天監豫推

京師各省及蒙古部落朝鮮國越南國所見日月食分秒時刻於前期五月具題。

旨下禮部由司移付精膳司通行各省布政司轉行各將軍及所屬各衙門又行文奉天府并移咨朝鮮國行文廣西巡撫移咨越南國凡見食過

一分以上者俱一體救護前期一月題請在京官員行救護禮得

旨通行在京各衙門其見食不及一分及各省所見有不及一分者均毋庸救護

一日月食除有事故堂司官員外其餘俱行救護禮文官及漢缺武職各官日食於禮部救護

月食於太常寺救護八旗滿洲蒙古漢軍都統副都統以下官屬遇日食均救護於各旗公

器謹按乾隆三十七年禮部議奏嗣後遇有救護典禮各部院堂官照常成集外如該衙門

堂官俱有兼管行走之處不克一體入班仍須酌以堂官一員前赴行禮以符體制其該司官等並請責令各該堂官確查除有差使外所有

每司官員屆期均嚴飭成集不得僅以四五人或二三人充數倘有概稱入直本署及詐別項事故者禮部即行嚴加叅處○嘉慶二十年五月奉

上諭本月十六日恭值大祀行禮之時已在月食復圓之後陪祀救護均闕典禮不可闕畧其救護官員不及詣壇陪祀著各該衙門將應行陪祀救護之員酌量分派俾各敬謹將事並著稽查科道分別嚴查倘有藉詞推諉兩處不到者指名叅奏

一日月食救護官員照各衙門分派五班禮部以四司鑄印局分屬五班之末另派祠祭司官

二員會同欽天監官赴觀象臺測驗初虧復圓

時即於臺上拈香行禮事畢由欽天監覆奏

一月朔日食官員是日俱常服惟救護時素服

一日食救護咸集禮部行禮應用香鑪桌張絲

額蘆席行文順天府轉飭大興宛平兩縣豫備

并派撥夫役赴部潔掃堂署行鑾儀衛備旗鼓

執事並派校尉赴部於儀門外陳設金鼓

一救護時先由禮部尚書伐小鼓三聲陳設金

鼓應聲並作其應用小鼓行樂部豫備並派署

史承應

一應用候時官由欽天監出派鳴贊官由鴻臚

寺出派均行令先期赴部承候

一月食救護咸集太常寺行禮禮部行樂部令

備小鼓赴太常寺其餘事宜由太常寺辦理

一日月食遇穿朝服之期救護官員於初虧復

圓俱素服行禮

謹按乾隆四十七年奉上諭禮部具題本年八月十五

日京師月食百官朝服齊集太常寺行救護禮

一本雖係照例具題但日月薄蝕究非經行常

度向來朕遇此等事皆於宮中素服拈香行救

護禮百官齊集救護亦應素服將事以合奏鼓

之義嗣後如遇日月食當應穿朝服之期亦著

用素服行禮著為令○嘉慶五年奉 旨四

月初一日為孟夏時享 太廟之期是日  
正值日食。所有陪祀王公大臣官員俱穿朝服  
於禮畢後其應救護之大臣官員換戴兩纓帽  
穿青褂。赴禮部救護其不陪祀不救護進內當  
差王公大臣官員俱  
戴緯帽穿青褂一日。

一日食遇元旦日。停止朝賀筵宴。謹按乾隆五十年奉

上諭五十一年正月初一日日食業經頒諭  
停止朝賀朕仍於內殿恭設香案。虔申祈禳以  
答

上天垂象。○五十九年奉  
上諭。欽天監推算六十年元旦日食。上元月食。明  
年元旦。照五十一一年之例。不御殿不受賀。是日  
午後向有諸王暨皇子皇孫等。內庭家宴之例。  
五十一一年元旦日復圓後。曾經舉行明歲究係  
六十年。遇甲年分。所有內庭家宴亦著一併停  
止。舉行朕於是日亦不御禮服。照每年例恭詣  
奉先殿 堂子及 先師各等

處行禮時御龍袍貂褂將屆日食時即換常服  
以示寅恭而寓修省。○嘉慶十七年奉

諭乾隆六十年正月十五望月蝕。是日例設筵  
宴。仰蒙 皇考高宗純皇帝特命移改宴  
期。以示謹凜 天戒之意。明歲正月十五

望。亦值月蝕。所有年例節次應設筵宴。自當恪  
遵 成憲。酌改日期。用昭寅畏。上元前一  
日家宴阿哥王貝勒著照舊舉行。十五日仍照

例穿蟒袍補服。屆申時即更換常服。其正大光  
明殿筵宴外藩及王公大臣著移於十六日辰  
時。皇后內庭家宴著移於十六日未時。小宴  
廷臣著移於十七日未時。十七日豫宴之王大  
臣著穿蟒袍補  
服。餘俱常服。

儀注

日食之日。順天府官。豫飭役赴禮部潔掃堂署

內外設香案於露臺上。早晚隨日為向布百官拜席於

香案後。鑾儀衛率官校至部。陳金鼓於儀門外。

龍旗。

御仗各二。引仗各六。鼓二十有四。畫角十有二。列

甬道東西。百官素服詣部。祇候。宗人府。吏部。翰

林院。詹事府。通政使司。吏科。國子監。為一班。內

閣。戶部。戶科。禮科。太常寺。鴻臚寺。欽天監。為二

班。兵部。兵科。理藩院。鑾儀衛。上駟院。武備院。太

僕寺。步軍統領。漢缺。武職。為三班。刑部。都察院。

大理寺。刑科。光祿寺。順天府。京縣。五城。為四班。

內務府。工部。工科。中書科。太醫院。為五班。每班

皆禮部堂官一員領之。禮部官屬各附於班末。

糾儀御史四員。禮部司官四員。鴻臚寺。鳴贊。二

員。序班二員。分立於香案左右。欽天監博士一

員。候時。樂部署史二員。捧小鼓。俟於露臺下。欽

天監官報日初。鷹鳴贊贊齊。班序班引百官至

拜位前。序立贊跪叩興。眾行三跪九叩禮。興贊

上香。禮部尚書進至香案前。三上香畢。復位贊

跪皆跪贊伐鼓署史捧小鼓跪於左禮部尚書  
伐鼓三聲儀門外金鼓振作乃按班更番上香  
祇跪御史禮部鴻臚寺官更番祇立欽天監官  
報復圓鼓聲止鳴贊贊齊班各官合班聽贊行  
禮如初畢各退救護月食儀同。

一恭逢

皇帝巡幸熱河如遇日食月食於

關帝廟行救護禮所有扈從王大臣官員俱一體救

護 謹按嘉慶七年八月初一日日食十六日月食  
皇上巡幸熱河軍機大臣面奉

諭旨所有扈從王大臣官員俱令一體救護  
護嗣經 行在禮部奏准於 關帝廟行救護

禮十八日 皇上駐蹕波羅河屯 行宮  
行在禮部奉 旨嗣後行在如遇日食月食

著照此次辦理一  
體救護永以為例。

一應用香燭桌張綵額蘆席等項先期劄知熱

河道轉飭該地方官敬謹豫備並派夫役前往

關帝廟潔掃派樂舞生二名捧小鼓 如 行在有  
樂部官仍傳

署史  
承應。

一知照

行在鑾儀衛備旗鼓執事劄欽天監派候時官鴻

臚寺派鳴贊官屆期前往祇候

一知照

行在宗人府轉傳各王公理藩院轉傳蒙古王公暨知照

行在各衙門堂司官員素服前往行禮並行知燕河都統熱河道俱照例率屬於公署救護

行在救護儀注

日食之日地方官豫飭役赴

廟潔掃設香案於露臺上隨日爲向布王公百官拜席於香案後儀衛率官校陳金鼓於

廟門內龍旗

御仗各二引仗各六鼓二十有四畫角十有二列甬道東西百官素服詣

廟祇候王公宗人府爲一班蒙古王公爲二班內閣吏部翰林院通政司爲三班戶部太常寺鴻臚寺欽天監爲四班兵部理藩院鑾儀衛上駟院武備院步軍統領及漢缺武職爲五班刑部工部大理寺光祿寺太醫院爲六班散秩大臣

護軍統領八旗內務府為七班每班以禮部堂官內閣學士太常寺堂官分領之鴻臚寺官及禮部官分列於香案左右欽天監博士一員候時樂舞生二名捧小鼓俟於露臺下欽天監官報初獻鴻臚寺官贊齊班引王公百官至拜位前序立贊跪叩興眾行三跪九叩禮興贊上香禮部堂官進至香案前三上香畢復位贊跪皆跪贊伐鼓樂舞生捧小鼓跪於左禮部堂官伐鼓三聲

廟門內金鼓振作乃按班更番上香祇跪禮部官

鴻臚寺官更番祇立欽天監官報復圓鼓聲止

鴻臚寺官贊齊班王公百官合班聽贊行三跪

九叩禮如初畢各退救護月食儀同謹按嘉慶二十四年

二月禮部具奏本年三月十六日月食恭逢皇上駐蹕盤山行宮應請照嘉慶七年之例所有扈從王大臣官員俱令一體救護由直隸總督選擇潔淨廟宇豫備行禮一應事宜各該處照例備辦



欽定禮部則例卷一百四十二

祠祭清吏司

樂舞

一凡除夕元日。上元等日筵宴設樂舞。曰慶隆舞。曰喜起舞。曰蒙古樂曲。曰朝鮮國佻。曰瓦爾喀部樂舞。曰掌儀司擲倒伎。火樹童子。禾詞伎。二項。惟上元日承應。回部伎。曰番子。番童樂舞。曰善撲人。曰廓爾喀樂舞。曰粗緬甸樂。細緬甸樂。各該衙門先行演習。屆期豫備進舞。慶隆舞。朝鮮國佻。

瓦爾喀部樂舞。由禮部承應。喜起舞。由樂部奏

派蒙古樂曲。由什幫衙門承應。掌儀司擲倒伎。回部

伎。由內務府承應。番子番童樂舞。由健銳營大

臣承應。善撲人。由善撲處承應。廓爾喀樂舞。粗

緬甸樂。細緬甸樂。由樂部承應。筵宴後禮部將

各伎藝。曾經進舞者。分別奏明。

賞給緞疋有差。

謹按乾隆八年。樂部奏准各項樂舞。名色蟒式總名慶隆舞。大小馬護名

揚烈舞。大臣起舞。上壽名喜起舞。舞人所騎竹馬名馬馬。舞人所戴馬護名面具。綽爾都密什

幫總名蒙古樂曲。綽爾都密為笳吹。什幫為番部合奏。高麗。筋斗為朝鮮國。併跳百索名繩伎。

瓦爾喀蟒式名瓦爾喀部樂舞。又蟒式時所用樂人請照和聲署之例。歌章曰司章。騎竹馬者曰司舞。彈琵琶者曰司琵琶。彈絃子者曰司絃。

絃彈等者曰司箏。彈胡琴者曰司阮。劃箏篋者曰司箏。打版者曰司拍。打掌者曰司拍。○又會

議准。筋斗人不止高麗。亦有內府承應者。應稱高麗。筋斗為朝鮮。擲倒伎。打鼓人為朝鮮。鼓伎

吹笛人為朝鮮。笛伎。岳博達為朝鮮。併長。○又議往。瓦爾喀部樂舞。應稱舞者為瓦爾喀部舞

人。竹口琴為瓦爾喀。威栗伎。胡琴為瓦爾喀。阮伎。又樂舞之外。唱秧歌人為禾

詞伎。雜盒子人為火樹童子。

一除夕元日。筵宴前期。禮部會樂部。奏進樂舞節次。元旦首慶隆舞。喜起舞。次蒙古樂曲。次

朝鮮國併。次掌儀司擲倒伎。回部伎。次番子番

童樂舞次緬甸樂舞除夕先進蒙古樂曲次慶

隆舞喜起舞謹按乾隆九年奉旨嗣後

先進蒙古樂曲次進慶隆舞次年元旦在太和

殿筵宴京城王大臣著先進慶隆舞次進蒙古

樂曲○嘉慶二十四年閏四月管宴王大臣等

奏准太和殿筵宴嗣後照保和殿正大

光明殿筵宴之例將什幫樂曲於慶隆舞喜起舞之前承應以歸畫一餘同元旦

并聲明瓦爾喀部舞人停止進舞謹按乾隆三年奉

旨瓦爾喀部舞人照舊豫備停止進舞○四年

奏准瓦爾喀部舞人未經進舞其請賞之處停

止○三十四年奉旨瓦爾喀部

舞人殿上不必豫備在放煙火處豫備至上元

等日在

山高水長處豫備行六內務府樂部工部謹按嘉

三年十二月奏准前經禮部奏明嘉慶二十四

年元旦太和殿筵宴所有應進樂舞先進

慶隆舞次進喜起舞次進蒙古樂曲至應進各

項技藝屆期再行具奏等因奉旨知道了

欽此恭查嘉慶十四年元旦太和殿筵宴

各項技藝係朝鮮擲倒伎人回部伎人金川番

子大鍋莊舞獅子粗緬甸樂五項技藝承應嗣

欽定禮部則例

卷三百四十三 祠祭清吏司

三

十二年奏准 保和殿筵宴承應技藝三項之例敬謹酌擬繕寫清單恭呈 御覽

一

萬壽筵宴豫備慶隆舞人等知照各該旗止差前期

一月赴部演習

一

盛京筵宴應進喜起舞世德舞所有司樂司章人

等豫行揀派二十二入嘉慶十年二十三年均添備用二人赴部

演習并知照各該旗屆期由部派員帶領前往

承應謹按乾隆八年樂部奏准盛京承應慶隆舞所用樂器衣物等項請於現今造成

之樂器衣物內揀選帶往亦請留於盛京庫貯仍交與各該處照數補造以備京中承應

一樂舞賞賚

內殿筵宴畢禮部行文各該處將諸部樂舞人數

造冊送部回部伎番子番童等由各該處自行辦理於三月具奏得

旨後移咨戶部領給喜起舞大臣各賞大蟒緞一疋

未完次數者賞大緞一疋司章司舞各賞大緞

一疋司箏司奚琴司三絃司琵琶司笛司拍司

拊各賞大潞紬一疋毛青布三疋大司舞小司

舞各賞毛青布三疋蒙古頭目并樂曲人等各

賞大緞一疋瓦爾喀部舞人各賞大潞紬二疋  
 阮伎威栗伎各賞大潞紬一疋毛青布三疋朝  
 鮮國俳各賞大潞紬一疋毛青布三疋鼓伎笛  
 伎管伎各賞毛青布三疋掌儀司擲劍伎火樹  
 童子禾詞伎人各賞大潞紬一疋毛青布五疋  
 廓爾喀樂司舞二名司歌五名粗緬甸樂司歌  
 六名細緬甸樂司舞四名照瓦爾喀部舞人各  
 賞大潞紬二疋廓爾喀樂司樂六名粗緬甸樂  
 司樂五名細緬甸樂司樂七名照瓦爾喀阮伎

威栗伎人各賞大潞紬一疋毛青布三疋未完

次數仍照例減半賞給謹按乾隆五十九年奏

准安南廓爾喀粗緬甸  
 細緬甸等樂俱係豫備年節筵宴及山高水  
 長各差廕將學演之署史等與各項樂舞一體  
 分別賞給善撲頭等者各賞大蟒緞一疋大潞紬一

疋二等各賞大緞一疋大潞紬一疋三等各賞

大緞一疋綾一疋小善撲及學習善撲各賞大

緞一疋俱由禮部出具印領支給

一慶隆舞每歲十月樂部會同禮部將豫備演  
 習之處具奏奉

旨後禮部行文八旗將慶隆舞瓦爾喀部樂舞人等  
造冊送部按照各項人數於十二月初行該旗  
停止別項差使令其赴部學習其學習六十九  
人止須於十二月中定期三六九令其赴部演  
習餘日仍令在各該旗當差不必概行停止差  
使朝鮮國俳亦令一同演習上

殿日每班派司官筆帖式各一員帶領

一慶隆舞司三絃琵琶司節司拍司拊大司舞  
小司舞六項每項咨取每旗正身二人學習二

人

一慶隆舞騎竹馬司舞八人學習八人每旗咨  
取正身一人學習一人

一慶隆舞司奚琴一人學習一人由鑲黃旗咨  
取司箏一人學習一人由正紅旗咨取

一朝鮮國俳笛伎一人學習一人由鑲藍旗咨  
取管伎一人學習一人鼓伎一人學習一人均  
由正紅旗咨取

一瓦爾喀司舞正身八人學習四人例咨取正

黃鑲紅正藍鑲藍各二人正白鑲白各二人

一瓦爾喀司威栗正身四人學習二人例咨取

正黃正紅各二人正藍二人

一瓦爾喀司阮正身四人學習二人例咨取正

黃鑲紅各二人鑲藍二人

一傳事人每旗咨取一名赴部聽候差使謹按乾隆

五十二年經軍機大臣議准查禮部則例內開慶隆舞應用人數計一百二十五人係每年十月內該部行文八旗在護軍領催馬步軍等內挑取冊送充當以備除夕上元樂舞之用此外尚有學習一項例內並未載有定額但人數過多自應遵旨量為裁減臣等謹將學習

人數逐款酌覈除竹馬司奚琴司箏司笛伎管伎鼓伎等項向止咨取正身一人學習一人毋庸議減外其司三絃司節司拍司拊大司舞小司舞等六項每旗咨取正身各二人學習各二人今擬各旗俱酌減學習一人又瓦爾喀司舞司威栗司阮等三項每旗正身學習向來咨取有各二人各四人不等今擬其減八人再查各部向有八旗傳事人各二人以充演習樂舞時差遣之用今亦擬各旗減去一人通計酌留學習六十九人遇各項正身倘有事故即可按照旗分陸續充補毋庸缺乏仍俟此項學習人等項充正身後該部再向各該旗指實何項缺額隨時咨取足數再查此項樂舞係每年除夕上元所用所有禮部咨取各旗正身學習人等向例於十一月初間即令赴部演習停止本旗差使為時未免太早嗣後應令該部於十二月初令充當正身二人赴部演習照例停止本旗差使計相距進舞之期已有一月技藝自可嫻熟事

竣後卽令回旗當差不必俟二月初始行令其回旗其學習六十九人止須於每年十二月中定期三六九令其赴部演習樂舞餘日仍令在各該旗當差不得概行停止。

一慶隆舞應用竹馬器具朝鮮國併瓦爾喀部應用綵衣等項行文樂部豫行修理。

一慶隆舞司章人十三名學習十八人正身缺出以學習人挑補學習缺出另行挑補均於八旗護軍前鋒兵丁人內選充如有聲音不合者

駿回本旗當差另挑足數。遇軍政之年將烏春年久熟悉得力者行

交各該營仍留護軍前鋒差使

一慶隆舞司章頭領護軍校一名藍翎長四名

護軍校缺出由部於藍翎長內揀選正陪帶領

引

見補放奉

旨後遇有該旗缺出卽行補用仍在司章頭領上行

走其藍翎長缺出由部於司章內公同挑補不

必坐補該旗缺額如有聲音不合者仍以護軍

駿回本旗當差。謹按嘉慶十四年奏准新設護軍校一名監翎長二名。○十九

年因司章頭領護軍校阿禮杭阿行走四十餘年勤慎無誤奏請補放委護軍叅領并添設藍



翎長  
二名。

一喜起舞大臣每歲樂部將

乾清門侍衛等官開列奏

派奉

旨後知照到部禮部派司章司節司拍人等隨從該處演習。

一慶隆舞司奚琴一人司箏一人司三絃琵琶

各八人司節司拍司拈各十六人俱服石青金

壽字袍豹皮端罩司奚琴在東司箏在西於丹

陛兩旁立司三絃司琵琶隨東西面立司節司

拍司拈兩翼各八人北面立兩翼並上司章十

三人各服蟒袍豹皮端罩從右翼上東向立奏

慶隆之章樂舉服黃畫布套十六人服黑羊皮

套十六人各帶面具象異獸跳躍騎竹馬八人

衣甲胄帶弓矢各按旗色分兩翼上北面一

頭周旋馳逐一人射一獸受矢羣獸懾伏

一喜起舞大臣共二十二人以侍衛充釋補服

以朝服入

殿內正中三叩頭退東邊西向立以兩為隊進前  
對舞每隊舞畢正中三叩頭退次隊復進如儀  
一蒙古樂曲蒙古箏一。蒙古胡琴一。箏吹一。口  
琴一。笙一。管一。笛一。簫一。琵琶一。三絃一。提琴  
一。二絃一。小胡琴一。軋琴一。板一。琥撥一。每器  
各一人共十六人。為四班除夕筵宴日皆朝服  
於丹陛左旁立進

殿一叩頭向上跪一膝奏蒙古樂曲至上元

正大光明殿筵宴仍用十六人皆蟒服有職者蟒

袍補服

豐澤園筵宴用二十人仍為四班所執樂器加漢  
箏一。雲羅一。月琴一。提琴一。蟒服與上元同。  
一朝鮮國俳。笛伎一。管伎一。鼓伎一。各戴烟瘡  
帽。鏤金頂服藍雲緞袍櫻色雲緞背心藍紬帶。  
俳長一人帶面具青緞帽紅纓服紅雲緞袍白  
紬長袖綠雲緞虎補背心十字藍紬帶擲倒伎  
十四人服短紅衣在丹陛兩旁立俳長從右翼  
上於壇南立北面致詞係高麗語笛伎管伎鼓伎各

一人從右翼上於壇西南立。東北向。擲倒伎從左翼上。自東向西。各呈其藝。

一掌儀司擲倒伎。鞦韆繩伎。跳席筋斗。名色不

一筵宴日各綵衣短裝。依次呈伎。上元日添火

樹童子四人。禾詞伎四人。

一回部伎司手鼓一人。回名司小鼓一人。回名

喇。司胡琴一人。回名哈爾札克。司洋琴一人。回名哈爾喀。司

二絃二人。回名賽他爾。司胡撥一人。回名喇巴。司管子

一人。回名巴拉滿。司金口角一人。回名蘇爾喀。筵宴日。替

衣錦面絹裏雜色紡絲接袖衣。錦面布裏倭緞

緣邊回回帽。青緞靴。綠紬搭膊。司舞二人。舞盤

二人。皆衣靠子。上下身。錦腰襖。紡絲接袖衣。擲

倒大回子四人。皆衣靠子。上身。雜色紡絲下身。

接袖衣。五色紬回回小帽。餘與司樂人同。小回

子二人。雜色紬面絹裏衣。餘與大回子同。以上

共十八人。先以司舞二人。起舞。舞盤人隨舞畢。

擲倒伎進。走索尋橦百戲呈伎畢。皆退。

一舞唱西番佛曲。番童十二人。筵宴日。各帶假

髮片金圖沿帽。服雜色錦緞袍。繫藍紬帕。肩跨羅漢絛。手持鉞斧。藍布皮底絨靴。隨唱音樂。八鎖吶。二管子。二銅鼓。二雲鑼。一描金葫蘆絃子。用絃七根。大拍鼓。一長拍鼓。一橫笛。二服色與舞唱番童同。

一耍跳獅子番男。二人執繡球番男。一人帶孩兒髮。服綠色絨衣。繫五色絲線帶。烏拉靴。音樂三人鎖吶。一鼓。一拍鉞。一服鑲邊藍紬絨衣。繫紅線帶。片金荷葉帽。青布靴。

一舞跳四交嚙番男。八人手執竹弓。繫箭桶腰刀。肩跨皮藤脾。一面雕翎紅漆彩畫皮盔。黃緞虎皮襖。褲紅璫璫烏拉靴。

一舞唱大銅莊番男。十五人紅纓狐皮帽。雜色錦緞璫璫絨衣。繫雜色線帶。耳墜銀環。肩跨十字絨袖。數珠。青布靴。

一善撲人。分爲一二三等。又有小善撲。及學習善撲。謂之布庫。蒙古語謂之布克。筵宴日。各脫帽短襟。繫錦腰襖。進丹陛上。兩兩相角。以搏拚。

撲地決勝負。勝者向上叩頭退。次隊復進如前。較畢皆退。

一瓦爾喀部樂舞。司舞八人。服紅雲緞鑲纁緞花補袍。狐皮大帽。於丹陛西邊立。進前正中三叩頭。退於西邊柱後立。司威栗四人。司阮四人。分兩翼上。向上一膝跪。奏瓦爾喀樂曲。司舞以兩為隊。按隊進舞。每隊舞畢。正中三叩頭。次隊復進如儀。

一廓爾喀樂司舞二名。各服紅綠紬襖。腰繫雜色纏腰布。冠紅猩犴帽。金銀絲巾。蓋頭。足穿紅色纏腰布。冠紅猩犴帽。金銀絲巾。蓋頭。足穿紅紬鞋。每足繫銅鈴一串。司歌五名。內一名服綠紬襖。腰繫雜色纏腰布。冠紅綠纏頭布。足穿綠鞋。其四名各服回子衣。腰繫雜色纏腰布。冠紅綠纏頭布。足穿紅羊皮靴。司樂六名。各服回子衣。腰繫雜色纏腰布。冠紅綠纏頭布。足穿紅羊皮靴。內二名冠洋錦蓋頭。其餘服色一樣。所用樂器。達布拉二。薩郎濟二。丹布拉一。達拉一。一粗緬甸樂司歌六名。各服雜色印花布袂衣。

冠它頭髮紫紅。司樂五名。冠服同。所用樂器八。  
盞籬一。鎖呐一。海笛一。小鈸一。皮鼓一。

一細緬甸樂。司舞四名。各服閃緞小襖。腰繫洋  
錦雜色裙冠紫巾。司樂七名。服藍緞小襖。腰繫  
洋錦雜色裙冠。冠它頭髮紫紅。所用樂器。竹鼓一。

龍琴一。魚琴一。扇琴一。竹筒一。皮鼓一。星兒一。  
舊例。舞唱小鍋莊番童十五人。皆雜色錦緞絲  
衣。腰繫五色裙。五色絲線帶。青布靴。謹按乾隆  
六十年。管理健銳營奏。因番子伎藝人等不敷  
豫備。請將小鍋莊番童裁汰。又舊例。安南樂  
司舞四名。各服蟒箭袖。腰繫藍緞帶冠道巾。手  
執絲扇。司樂九名。各服黃鸚鵡補道袍。腰繫藍緞

帶。冠道巾。所用樂器。丐鼓一。丐拍一。丐哨二。丐  
彈絃子一。丐彈胡琴一。丐彈雙韻一。丐彈琵琶  
一。丐三音鑼一。於除夕上元與緬甸樂舞輪次  
豫備。司舞各賞大潯緞二疋。司樂各賞大潯緞  
一疋。青布三疋。嘉慶八年奉  
旨。以後筵宴殿差不必用安南樂

### 盛京筵宴

高宗純皇帝御製世德舞樂曲。

粵昔造清匪人伊

天

天女降思長白闔門是生我。

祖我弗敢名。迺繼迺承。逮我元孫。右第一章元孫累葉。維

祖之思。我西云來。我心東依。歷茲故土。仰溯

始謀。皇澗過澗。締此丕基。右第二章於赫

太祖。肇命興京。哈達輝發。數渝厥盟。如龍田見。有虎風

生。戎甲十三。王業以興。右第三章爰度爰遷。拓此瀋陽。方

城周池。

太室明堂。不寧不靈。匪居匪康。事異放桀。何心底商。右第四章

丕承

太宗允揚

前烈倬彼松山。明戈耀雪。以寡敵衆。杵漂流血。惜無故

老。爲余詳說。右第五章余來故邦。瞻仰

橋山。慰我追思。夢寐之間。崇政清寧。載啟南軒。華而不

侈。鞏哉孔安。右第六章維我

祖

宗欽

天敬

神執豕酌匏。咸秩無文。帷幔再張。樽俎重陳。弗渝弗替

遵我

先民 右第七章

先民宅茲。載色載笑。今我來思。

聖日俯照。爵我周親。蓋臣並召。亦有嘉賓。歡言同樂。 右第

入章。懿茲東土。允惟天府。土厚水深。周原膺膺。南陽父

老。於是道古。有登其歌。有升其舞。 右第我歌既奏。我

舞亦陳。故家遺俗。曷敢弗因。渾灑淳休。被於無垠。勿

替引之。告我後人。 右第十

一慶隆舞樂曲。

於鑠

皇清受命於

天光延鴻祚。億萬斯年。天開令節。瑞啟階蓂。共球萬國

聖壽千齡。粵自我

先。肇基俄朶。長白之山。鵲銜朱果。綿綿瓜瓞。長發其祥。

篤生

列祖。積慶重光。式廓舊疆。東訖海表。

聖

聖相承。永世克紹。 右第赫赫

神功。龍飛崛起。戎甲十三。奮迹伊始。復讐靖難。首克圖



倫。

天戈一指。震懾強隣。九姓潛侵。滅跡如掃。蒙古五部來

奉。

大號。明師四路。五日而殲。

定鼎遼瀋。都城巖巖。陣雲五色。江水夜疑。

天助有德。應運而興。右第二章

天亶聰明。覆幬下國。遠服邇歸。誕敷

文德。四方來附。雲集景從。建長命官。庶職是綜。爰創

國書。頡文義畫。聲協元音。萬古不易。爰定軍制。緜

旒央央。或純或間。永奠八方。締造鴻模。創成大

業。錫福無疆。慶鍾千葉。右第三章 佑啟

哲嗣光闡

前猷。昭崇駿德。誕迓

天庥。攜貳綏懷。朝鮮歸款。世奉東藩。釐爾圭瓚。三十五

部。厥角稱臣。西被佛土。重譯來賓。濯征有明。耀

師齊魯。電掃郊圻。有而勿取。畧地松杏。屢殲敵

軍。百戰百克。用集大勲。右第四章

帝德廣運。昭受。

鴻名建國紀元永定

大清敦睦九族彝倫式敘尚德稱賢股肱心膂三  
館是闢鑑古崇儒。

郊

社

禘嘗式賁

皇圖爵秩以班六曹承政百工允釐萬邦表正威鑠

函夏德配

蒼穹敬承無斁駿烈豐功

右第五

帝授神器統一寰瀛剪滅巨寇乾坤載清一著戎衣若

雨甘雨大告武成作神人主

躬親大政飭紀整綱制禮作樂昭示典常納諫任賢慎

微慮遠定律省刑萬世垂憲克勤克儉忠厚開

基。

景命維新兢業自持

右第六

聖神建極道冠百王六十一年福祚久長

天縱聰明冲齡御宇孝奉

兩宮德隆千古三孽蠢動一舉蕩平海氛永靖浪息長

鯨。

親御六師。三征沙漠。威肅惠懷。鋤頑撫弱。禹功底績。虞

典時巡。敷天率土。莫不尊親。右第  
七章惟

天行健

神聖則之。典學勤政。作君作師。無逸為箴。宵衣旰食。

一人憂勞。綏此萬國。文經武緯。地平天成。中和立極。玉

振金聲。億萬斯年。覲

光揚

烈敬

天勤民體。元作哲。

天鑑孔彰。翼翼後玉。儀型

皇祖。

帝祚遐昌。右第  
八章瑤圖炳煥。六合雍熙。星輝雲爛。風雨

以時。翕受嘉祥。調和玉燭。治禱。

皇風道光

帝錄。東漸西被。北燮南諧。梯航琛賫。畢至堯階。日升

月恒。萬邦蒙福。擊壤歌衢。嵩呼華祝。秩秩盛儀

洋洋頌聲。紹體

列祖永慶昇平。右第九章。

乾清宮筵宴宗室世德舞樂曲。

天開

聖清覺羅肇興。

列祖繼緒統一寰瀛。右第一章。溯祥長白垂統發蹟幅員廣

大景附悅懌。右第二章。

聖皇立極與

天比崇純常弗祿昌後隆宗。右三章。篤親九族錫恩覃厚

金黃帶垂我冠品授。右四章。枝蕃萼榮。

皇情則怡嘉承天和方春載熙。右五章。璇宮肆筵宗人

爰集黼黻盈庭班行辨綴。右六章。

皇睠有喜便蕃賚予侍衛賜茶恩涵露漙。右七章。肫仁

溥澤大府頒金。

皇慈既遠以洽壬林。右八章。宗人拜舞臚歡忭祝億萬

斯年永綏多福。右九章。

一蒙古樂曲。

人君之樂恃此紀綱兆民之樂恃我君王室家

孔宜。夫君之力。朋友有成。和輯之德。右牧馬歌八種

成壞兮。實人世之常。墮迷網中兮。慾鎖與情韉。

愚人無識兮。樂茲殊未央。執空為有兮。謬語其

奚當。右古歌不凜心於羣經。具本性而無明。不服

膺於佛乘。說妙行而聽熒。右如意竇一人首出。萬國

尊親。湛恩汪濊。普被生民。百花敷榮。一日悅目。

灌頂寶光。萬眾所伏。右佳兆良胡畏哉。襄以至誠

良胡過哉。竭已所能。良胡偽哉。語無文飾。良胡

怠哉。罔敢休息。右誠感詞有君聖明。逾戴天。有臣靖

其勝後嗣。健婦持家。過丈夫。如意寶珠。惟孝子。

右吉慶篇滅除已罪。仗佛真言。如欲療病。惟良藥存。

菩提燈兮。出眾生於黑暗。智慧梳兮。節六慾之

糾纏。右肖者吟大海之水不可量。天府寶藏奚渠央。

良朋和睦。益無方。聖有謨訓。垂無疆。右君馬黃人君

能仁。丞黎之父。君子和平。羣相肺腑。懿厥哲人。

實維師傅。匿智懷私。乃民之蠹。右懿德吟惟安惟和

心意所欲。無貳無虞。朋友式穀。右善哉行分人以財

惠莫大焉。施人以慧。寧不踰旃。右樂工謠日將出兮。

明星煌煌壽斯徵兮秀眉其龐三十維壯五十

遲暮莫親祖母莫尊祖父右踏我馬蹀躞行如

流水雋英滿座交親悅喜族黨嫺嫺成富且貴

酌酒為歡既多且旨右頌十五歡娛八十衰壯

容華茂遲暮悲祖妣最親祖尊哉右慢遵王之

路兮愆尤希素位而行兮夫奚疑右唐罔有敗

事兮遵道而行長無離析兮順親之情右丹瞻

彼日月虛空發光聖君聖母焜耀萬邦右明日

月之明兮容光必照聖君之明兮蒸黎咸造右

祥際聖明時良我福只橫被恩澤良我祿只右

明時倏忽變遷順其自然如彼蜃樓余生渺焉右

言諸惡莫作菩提薩多冥蒙妄行用隨三塗右

嘉平經何本本於宗身何本媪於翁罪何本嗔熾

熾福何本和雍雍右善靡言不適於道兮水萬

派而朝宗夫惟外道之妄語兮并自畫而不通

右長命詞惴惴原獸思全其身兢兢庶士思鹿後昆

右笏窳維彼愚人惟知己身惟此哲人心周萬民

右湛露六欲相牽微生是戀嘆彼駒光如夢如電

右四賢吟 慈悲方便永斷疑情。極樂淨土不滅不生。

右賀聖朝 知之而作兮。明哲所由。不知而作兮。庸愚

之儔。慮而後動兮。卓彼先覺。率而妄動兮。是乃

下流。右英流 馬蹠躩兮。身不獲康。念此身兮。本自

無常。馬騰驤兮。生不獲寧。念此生兮。本自無生。

右堅固子 良馬之德。於田可徵。良朋之行。相交乃明。

右月圓 良馬云何。乘者所思。良朋云何。久而敬之。

右緩歌 惟帝力兮。勞來父母。力兮。免懷乘騏驎兮。

馳驟。仗巨擘兮。弓開。右至純詞 貴高專美。曰惟不仁。

擁資自厚。不久四分。惟不惺惺。乃不戒懼。凶心

常萌。誰與共處。右美封君 嗟棄捐於巖穴兮。蓋遠播

夫芳聲。嗟終老於草莽兮。蓋永垂夫令名。右少年行

悲哉北邙。令聞宜揚。北邙悲歟。青史不渝。右四天王

吟 瞻彼中林。芄芃萬木。梅檀行香。生是使獨。萬

類咸若。攘攘芸芸。民之父母。首出一人。右宛轉詞 載

飛載翔。惟翮是憑。為聲為律。惟心是經。射之能

中。惟指是憑。交之能善。惟和斯恒。右鐵驪 敷之成

雛兮。孚化之功。羽用為儀兮。賦命之隆。迪彼愚

蒙兮惟聖之功。明厥本性兮實在已功。右木德珠惟

勤斯哲安不可懷。溺茲小樂至樂難期。右好合曲乾

照無私。聖教無類。謨訓洋洋。鑑師不昧。右童阜

驥不羣。蹇驢鴻鶴不偕。斥鷃駟虞不邇。狐狸聖

哲不昵。愚賤右天馬吟疇知幻軀秘。此佛性。疇不退

轉。佛恩來證上德墮落。疇其知病。下士頓超。疇

其知競。右大龍馬吟福慧天寶誠哉難覩。通人達士

豈奚易近。右始條理葱兮蒨兮山有芳蘭。僅兮和兮

首有妙髮。右追風精馬元首明哉首出股肱良哉至

匹賢夾輔兮王室莫執左道兮。蚤賊右迴波詞景行

行止下民堪憐。宜泛愛衆毋逆忠言。右長豫騏驥

適我體囊韉衛我身。嘉言資我道經史沃我心

右平調升彼高阜兮思我故鄉。有懷二人兮莫出

戶堂。陟彼崔嵬兮思我故鄉。有懷二人兮莫出

垣牆。右遊于吟帝王無逸。天地和寧。辟公膚敏。兆民

阜成。右平調曲日之升。天為經。民之行。君為程。水之

流。隨坎盈。化之遊。駒之情。右高土吟非冒於貨賄也

感兄弟之敬心。非貪於飲食也。感父老之誠忱



右哉生明云何致太平。畢然望皇衢。人生夫何常。善

保千金軀。民之不能忘。令名照神區。子孫振綱

繩。百千萬億餘。右高敬尊佛勅。如滋甘雨。莫行

邪惡種。茲罪苦。右三身無常。花到秋。名無常。雷

不留財。無常。蜂釀蜜。業無常。海發漚。右圓賢者

斯賢賢。不賢。不賢。賢。蜜蜂見花駐。蜻蜓去翩翩

右欄千金寶馬。不如先人之畀遺。嘗盡諸果。不

如母乳之甘兮。右思電可畏兮。時屆朱明。霜可

畏兮。五穀將登。福可畏兮。歡樂所成。罔不可畏

兮。憶神魂之初降生。右法火宅無清涼。苦途無

安樂。鳥路誰能攜。閻浮難駐腳。右接閻浮提界

如彼高山。越之維艱。盡却今時。大海漫漫。欲渡

良難。右化瞻彼隄岸。水則不濫。有君牧民。當無

畔散。飛鳥雖疲。寧甘墮地。君子固窮。之死不二

右七寶鞍。嗟余生之歡樂兮。似黃離之盈昃。感韶光

之荏苒兮。似葉上之青色。及芳華之當齒兮。且

喜樂以永日。右短時乎時乎。時外無時。時其逝

矣。奚與樂為。黃離既昃。定少溫暾。天光既暮。曠

曠其陰。右夕照皇矣聖世。藹如仁君。懷哉懷哉。日

遠日分。亦有良朋。如兄如弟。日遠日離。能不遙

跂。右歸國謠投誠皈命。卽安且吉。如佛塔廟。云胡遠

別。和樂且晬。手足提攜。如姊如姊。云胡遠離。右僧

寶酪必成。酬父將成。祖沙必成。邱母將成。嫗。右婆

吟。羅門引試觀三界。漚起漚滅。如彼秋雲。乍興乍沒

能少滯留。右五部落又番部合奏蒙古樂曲。詞曰。元

絳是依神明是祇。一心至誠。昭事勤只。巍巍大

君。承底烝民。中心愛戴。稽首來臣。念人生之無

常兮。合勤修夫善行。信百行之成。善兮。終和平

而神聽。右大合曲天君至聖。教敷率土。牧宰萬邦。拜

跪奉主。右染絲曲丕顯元后。惠懷萬方。國彥斐恭。協

贊邦常。率土之濱。誠意溥將。咸拜稽首。依戴聖

皇。右公莫皇皇明聖。無遠不燭。林林衆庶。無思不

服。元化惠心。為善去惡。聖人之邦。長生永樂。右雅

政。承乾體元。惟我聖君。光開草昧。惟我聖君。綱

紀庶政。惟我聖君。父母萬國。惟我聖君。惟我聖

君兮覆幬如天。惟我聖君兮。自新新民。惟我聖君兮。中外乂安。惟我聖君兮。羣慝消淪。拜手稽首兮。頌溢兆民。右鳳鳴。大地茫茫。大海滄滄。豈伊無寶求之奚方。自古在昔。為君為王。膺圖御宇。命不于常。實心實政。惠此萬邦。聖御大寶。翳惟我皇。翳惟我皇兮。疇可與之頡頏。右乘驛使。

萬壽筵宴樂曲。前期由軍機處恭擬交出抄錄清漢

知照樂部。謹按乾隆四十五年。高宗純皇帝七旬萬壽樂曲。

萬萬壽福如大海源。浩元氣兮春和溫。洋洋溢兮彌乾地。右第一章。歲維庚子。恭遇禪觀後。戴十方。皈依舉延企。瑞靄集豐年。廣法輪宗風被。右第三章。麗正門開。沃蕩王公大臣拜舞。瞻天仗旌。罽藹芬茫茫。五雲朗鑪煙上。右第四章。敬海敷。皇帝壽萬萬年。孔固南山如。右第五章。蒙古衆台吉。青海衛拉特。愛之如赤子。傾心世歸德。右第六章。土爾扈特歸順武義金川。威震如天。大德日生。蹈舞揚休入觀。右第七章。曼壽多福。臚懽無疆。如松栢茂。萬葉純常。右第八章。皇子及孫會。稱觴介眉壽。祝鴻禧兮歲其有。與天地兮同悠久。右第九章。五十五年。高宗純皇帝入旬萬壽樂曲。皇帝萬壽。福如大海源。亭育休和暢八筵。右第一章。歲維庚戌。恭遇

八旬。神人祝嘏。景福益臻。右第二章。  
洞開。九重辟公呼嵩。祥光霽靄。歌舞攸同。  
。右第三章。敬。天勤民歲。書大有。

炳二曜。武烈宣萬方。義正仁以育。遐邇胥來王。  
。右第五章。安千叟兮嘉雁眉。賜節  
帛兮拜。鴻施臚懽。介祉兮叩彤墀。羣登

賜章服。燦五采。親九族。本支百世感。  
恩。歡洽羣情。益敦睦。右第七章。臨  
雍釋菜。文教振興。人材樂育。為國之楨。右第

八章。輯四庫書。譽髦鼓舞。惠茲藝林。上下今  
古。右第九章。修大藏兮譯金經。廣善緣兮  
福羣生。慈雲布濩兮光晶瑩。和風甘雨兮彌八  
紘。右第十章。藩王部部長。咸來賓。遐荒重譯  
職貢陳。依光慕化。同尊親。赤子之慕中外均。  
右第十一章。安南國王趨。闕廷。鞠膺。抃舞  
祝。億齡。寵以冠帶。列翰屏聲。致遠暨海。

國寧。右第十二章。緬甸來庭。寵膺  
綸詔。頒印錫封。永綏爰徽。右第十三章。生  
番向化。傾心太平。恩浹肌髓。威畏惟誠。右第  
十四章。聖明四照。福綏綿綿。言祥屢

臻。億萬斯年。右第十五章。永承  
祚。祥徵滋至。載頌九如。祚延萬世。右  
第十六章。子孫曾元。戲絲舞。壽而康兮祝純  
嘏。歲歲年年。福履增。天地合德。同博溥

。右第十七章。中和樂舞。邁韶讌。普天率土  
。同聲慶。萬壽兮弗祿膺。受  
祐兮莫不承。右第十八章。嘉慶十四年  
。皇上五旬。萬壽樂曲。皇帝萬壽壽

與。天無疆。秉德貞恒。篤鴻祐。珍符曼羨  
。恩滂洋。右第一章。歲維己巳。聖  
節五旬。六合阜。嘒嘒陽春。右第二章。我  
皇功德。冒入極。埽除羣慝。登祚席。磴磴。即  
。即師象山。永綏生民。偃兵革。右第三章。民  
生遂。元化。淵。遐。腹。削。寬。惇。通。屢。餐。粥。羹。襦。襦。樂

皞皞安愉愉。右第四章。作之。君作之。

師孔容保。誕教思厚。莫厚訓宗支。仁莫仁。統恭勤。

箴八旗。右第五章。靡回延泉府。充羨兮軫。重民。

民艱。馮蠲輯和兮功。濬川。右第六章。重民。祖。

耕織。雨暘寒燠。圖輯授衣。纂志。考大孝備矣。養民為寶。右第七章。辟公。

卿士。俊髦雁蒙。雲施山應。降福屢豐。縣縣瓜瓞。上怡。皇衷。右第八章。承。吳佑。

兮撫八紘。洪景命兮方升恒。率土臚歡兮重譯。職貢於萬斯年兮福祿永膺。右第九章。二。

十四年。皇上六旬萬壽樂曲。九有嘉吉。萬彙昌貞。冬姬煦日載陽。帝承。吳。

賜錫兆庶。聖壽曼羨長無疆。右第一章。皇帝壽齊天。

十幹十二枝。紀歲周復始。北暨窮髮南雕題。循環萬甲子。右第二章。耕桑直過崑崙西。黃河安恬日東注。波澄鏡海騰朝曦。右第三章。景風翔兮卿雲升。民遊。

壽字兮化日恒。世麗鴻兮多耆耄。生逢太平兮由高會。右第四章。厚民生。省厥慝。立。

嘉禾。稂莠弗崇。正教毗且格。惠元元。福。德。右第五章。皇統兮承。帝。

祖澤。眷遼瀋兮風。王業艱難兮。孝思靡極。眷遼瀋兮風。法駕式。考訓兮承。

無斃。右第六章。帝厘烝民。拯之。德政日雨日暘。天心協應。熙熙春臺豐。

年屢慶。右第七章。日月方升恒。川嶽咸效。順。視。椒萬方同。帶航集琛。賚。右第八章。

○歲已巳兮。恩普錫。今茲已卯兮。六。旬聖節。帝澤汪濊兮海寓樂康。願逢。

旬慶兮萬有千。億。右第九章。

